

სახელმწიფო შესყიდვის შესახებ
ხელშეკრულება №02-02/119

ქ. ბათუმი

12 ოქტომბერი, 2016 წელი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, ერთის მხრივ აჭარის ავტონომიური რესპუბლიკის სოფლის მეურნეობის სამინისტრო (შემდგომში - „შემსყიდველი“), წარმოდგენილი მინისტრის ლაშა კომახიძის სახით (მისამართი: ქ. ბათუმი, აკ. მამია კომახიძის ქ. №119) და მეორეს მხრივ, შპს „პარტნიორი 2012“ (ქ. ბათუმი, ჯავახიშვილის ქ. №2, ბ. №14) შემდგომში - „მიმწოდებელი“, წარმოდგენილი დირექტორის ნუგზარ ნაკაშიძის სახით, შევთანხმდით შემდეგზე:

1. ხელშეკრულების საგანი

1.1. წინამდებარე ხელშეკრულებით მიმწოდებელი თანახმაა შემსყიდველს, ხელშეკრულების გაფორმებიდან 5 (ხუთი) სამუშაო დღის ვადაში, მიაწოდოს სადენიანი ტელეფონის აპარატები (შემდგომში - საქონელი) (CPV დანაყოფი - 32500000, კოდი - 32552130), ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით გათვალისწინებული წესით.

1.2. მთლიანი სახელშეკრულებო თანხა შეადგენს 365,00 (სამას სამოცდახუთი) ლარს.

1.3. შესყიდვის ობიექტის სახეობა, რაოდენობა და ერთეულის ფასი განისაზღვრება ხელშეკრულების დამდები ორივე მხარის მიერ დამოწმებული დანართი N1-ის მიხედვით, რომელიც წარმოადგენს ხელშეკრულების განუყოფელ ნაწილს.

2. საქონლის მიღება-ჩაბარება, მიწოდების პირობები

2.1. საქონელი მიღებულად ჩაითვლება მიღება-ჩაბარების აქტისა და სასაქონლო ზედნადების/ანგარიშ-ფაქტურის გაფორმების შემდეგ. საქონლის მიღება-ჩაბარება ხდება შემსყიდველსა და მიმწოდებელს შორის სათანადოთ უფლებამოსილი პირ(ებ)ის მიერ მიღება-ჩაბარების აქტის გაფორმების საფუძველზე.

2.2. მიღება-ჩაბარების აქტისა და სასაქონლო ზედნადების/ანგარიშ-ფაქტურის საფუძველზე შემსყიდველი ახდენს ანგარიშსწორებას მიმწოდებლისაგან მიღებულ საქონელზე.

2.3. საქონლის მიწოდება ხორციელდება მიმწოდებლის მიერ, დანართი N1-ით განსაზღვრული ვადების შესაბამისად.

2.4. შესყიდვის ობიექტის მიღება-ჩაბარების აქტის გაფორმებაზე უფლებამოსილი პირია სამეურნეო განყოფილების უფროსი გენადი გობაძე.

3. გარანტია

3.1. მიმწოდებელი იძლევა გარანტიას, რომ მიწოდებული საქონელი იქნება მოქმედი სტანდარტის შესაბამისი.

3.2. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის შეცვლა, შემსყიდველის მხრიდან რაიმე დამატებითი დანახარჯის გაწევის გარეშე.

3.3. მოსაწოდებელ საქონელს გააჩნია 6 (ექვსი) თვიანი საგარანტიო ვადა.

4. ანგარიშსწორება

4.1. ანგარიშსწორება მოხდება ფაქტიურად მოწოდებულ საქონელზე სასაქონლო ზედნადების/ანგარიშ-ფაქტურის წარმოდგენის და მიღება-ჩაბარების აქტ(ებ)ის გაფორმებიდან არაუგვიანეს 10 (ათი) კალენდარული დღის ვადაში.

- 4.2. ანგარიშსწორება განხორციელდება უნაღლო ანგარიშსწორების ფორმით.
- 4.3. ანგარიშსწორება მიმწოდებელთან განხორციელდება ლარებში.

5. ხელშეკრულებაში ცვლილებების შეტანა

- 5.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.
- 5.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 5.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6. ხელშეკრულების შესრულების შეფერხება

- 6.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 6.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

7. ხელშეკრულების შეწყვეტა მისი პირობების შეუსრულებლობის გამო

- 7.1. შემსყიდველს შეუძლია ვალდებულებების მთლიანი ან ნაწილობრივი შეუსრულებლობისათვის შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
 - ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.
- 7.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

8. ხელშეკრულების შესრულების კონტროლი

- 8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი.
- 8.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი ტექნიკური საშუალებებით და სხვა სამუშაო პირობებით.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.
- 8.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სამეურნეო განყოფილების უფროსი გენადი გობაძე.

9. დაუძლეველი ძალა

9.1. ხელშეკრულების პირობების ან რომელიმე მათგანის მოქმედების შეჩერება დაუძლეველი ძალის დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაუღებელი შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, გაფიცვებით, სახალხო მღელვარებებით, საბიუჯეტო ასიგნებების მკვეთრი შემცირებით, საქართველოს ან/და მესამე სახელმწიფოების ან/და სხვა მესამე პირების მიერ პოლიტიკური ან/და სხვა სახის გადაწყვეტილებით, რომლითაც პირდაპირ თუ ირიბად იზღუდება ხელშეკრულებით გათვალისწინებული ვალდებულებების შესრულების შესაძლებლობა და სხვა.

9.3. დაუძლეველი ძალის დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი ძალის გარემოებების ზეგავლენისაგან.

10. პასუხისმგებლობა

10.1. თუ მიმწოდებლის მიერ დარღვეული იქნა ხელშეკრულებით გათვალისწინებული საქონლის მიწოდების ვადები, მაშინ მას ეკისრება პირგასამტეხლოს გადახდა მოუწოდებელი საქონლის ღირებულების 0,02 %-ის ოდენობით ყოველ ვადაგადაცილებულ დღეზე.

10.2. ხელშეკრულების 10.1. პუნქტით გათვალისწინებული პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.3. სახელმწიფო შესყიდვის შესახებ ხელშეკრულების პირობების მიმწოდებლის მიერ შეუსრულებლობის გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5 (ხუთი) %-ის ოდენობით.

10.4. მიმწოდებელი ვალდებულია დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 7 (შვიდი) კალენდარული დღის ვადაში ჩარიცხოს შეტყობინებაში მითითებულ ბიუჯეტის შესაბამის ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი (საგადახდო დავალების დედანი ან ბანკის მიერ დამოწმებული ასლი).

10.5. ანგარიშსწორების ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, დროულად გადაუხდელი თანხის 0,02% ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი, არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია საქართველოს მოქმედი კანონმდებლობით დადგენილი წესის მიხედვით მიმართოს სასამართლოს.

12. ხელშეკრულების მოქმედების ვადა

ხელშეკრულება ძალაშია ხელმოწერისთანავე და მოქმედებს 2016 წლის 25 ნოემბრის ჩათვლით, გარდა ხელშეკრულების 3.3. ქვეპუნქტისა, რომელიც მოქმედებს გარანტიის მოქმედების ვადით.

13. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლებისა და სხვა გადასახდელების გადახდაზე.

14. საერთო პირობები

ხელშეკრულება შედგენილია და ხელმოწერილია სამ ეგზემპლარად ქართულ ენაზე. ხელშეკრულების ერთი ეგზემპლარი ინახება მიმწოდებელთან, ორი ეგზემპლარი – შემსყიდველთან.

15. მხარეთა იურიდიული მისამართები და რეკვიზიტები

„შემსყიდველი“

აჭარის ავტონომიური რესპუბლიკის
სოფლის მეურნეობის სამინისტრო
ქ. ბათუმი, მ. კომახიძის ქ. №119
ს/კ 245428265

„მიმწოდებელი“

შპს „პარტნიორი 2012“
ქ. ბათუმი, ჯავახიშვილის ქ. N2, ბ. N14
ა/ნ GE94TB1021336020100003
ს/კ 445383086
მიმღ. ბანკი: სს „თიბისი ბანკი“
ბანკის კოდი: TBCBGE22



ნუგზარ ნაკაშიძე
დირექტორი



ფასების ცხრილი და მიწოდების ვადები

| N | საქონლი CPV კოდი | საქონლის დასახელება | ზომის ერთეული | რაოდენობა | ერთეულის ღირებულება | საერთო ღირებულება | მიწოდების ვადა |
|------|---|--|---------------|-----------|---------------------|-------------------|---|
| 1 | CPVდანაყოფი - 32500000, კოდი - 32552130 | სადენიანი ტელეფონის აპარატი, დამატებით უსადენო ყურმილით Panasonic KX-TGF320UCM | კომპლექტი | 1 | 245,00 | 245,00 | ხელშეკრულების გაფორმებიდან 5 (ხუთი) სამუშაო დღის ვადაში |
| | | სადენიანი ტელეფონის აპარატი Panasonic 3050 | ცალი | 3 | 40,00 | 120,00 | |
| სულ: | | | | | | 365,00 | |

„შემსყიდველი“

აჭარის ავტონომიური რესპუბლიკის
სოფლის მეურნეობის სამინისტრო



ლამა კომახიძე
მინისტრი

„მიმწოდებელი“

შპს „პარტნიორი 2012“
ს/კ 445383086

(Handwritten signature)

ნუგზარ ნაკაშიძე
დირექტორი

